

Papiamento den Bon Dia

Ernesto E. Rosenstand



PENSAMENTO DI UN PENSAMENTO

Nos pensamento pa awe ta uno di George Braque.

Braque tabata un artista Frances.

El a yega di bisa:

CARACTER DI E ERA AKI TA KEDA MUSTRA DOR DI E PALABRANAN CU TIN NA MODA.

Bunita bisa.

E ta tipifica situacion mundial di awendia.

Nos tur ta experienciando con falta di respet ta ganando tereno.

Nos ta tendiendo masha hopi disparate.

Ta cantidad di co'i kens ta pasando rond di nos.

Nos ta mirando tur caminda cu nos no ta creando un generacion fuerte.

CARACTER DI E ERA: AKI TA KEDA MUSTRA DOR DI E PALABRANAN CU TIN NA MODA.

EXPRESIONAN

Den tur idioma nos tin expresionnan.

Esakinan ta mara na e cultura di e pueblo.

Nos lo trece pa boso algun dinos expresionnan.

Nos expresion pa awe ta:

SUCU NO SA GABA SU MES

E ta nifica:

NOS NO MESTER GABA NOS MES

Ban usa mas expresion den nos idioma.

USO INTERESANTE

Den tur idioma tin palabranan cu e mes nificacion.

Nan ta sinonimo di otro.

Purba usa mas tanto sinonimo posibel

Esei ta enrikece nos idioma

Nos palabra pa awe ta

POTI – BEKER

UNDA E FALTA...

BAN USA CORECTAMENTE NOS IDIOMA.

Den e frase aki tin un falta.

CU UN TONO DI OPTIMISTA NAN A HABRI E DIALOGO.

UNDA E FALTA TA?

E falta ta cometi contra uso di un palabra.

Nos no ta bisa un tono di optimista, ma di optimismo.

E frase corecto lo mester a bira:

CU UN TONO DI OPTIMISMO NAN A HABRI E DIALOGO.

Ban pone mas atencion riba uso di nos idioma.

SINONIMONAN

MAN

Parti di curpa

Den nos idioma nos ta duna palabranan otro nificacion.

NAN A PONE MAN RIBA DJE

Loke kier men:

NAN A GAR'E

Ban usa corectamente nos idioma.